



PLAN DE ACTIVIDADES 2022

25 anos de cooperación, 25 anos de solidariedade

FONDO GALEGO DE COOPERACIÓN E
SOLIDARIEDADE





ÍNDICE

1. PLAN DE FORTALECEMENTO E ACCIÓN INSTITUCIONAL
2. PLAN SENSIBILIZACIÓN E COMUNICACIÓN
3. PLAN PROXECTOS DE COOPERACIÓN
4. ORZAMENTO

1. PLAN DE FORTALECIMENTO E ACCIÓN INSTITUCIONAL

➤ OBXECTIVOS A TRABALLAR

OBXECTIVO 1: INCREMENTAR A BASE ASOCIATIVA E A SÚA IMPLICACIÓN EN MATERIA DE COOPERACIÓN AO DESENVOLVEMENTO

OBXECTIVO 2: VISIBILIZAR E FOMENTAR OS PROCESOS DE TRANSPARENCIA DA ASOCIACIÓN

OBXECTIVO 3: FOMENTO DE ALIANZAS ESTRATÉXICAS

✚ ACTIVIDADES RELACIONADAS CO OBXECTIVO 1: INCREMENTAR A BASE ASOCIATIVA E A SÚA IMPLICACIÓN EN MATERIA DE COOPERACIÓN AO DESENVOLVEMENTO

ACTIVIDADE 1.1: Campaña de captación de entidades sociais

A estratexia a seguir no 2022 para conseguir a adhesión de novos concellos ao Fondo Galego de Cooperación e Solidariedade pasa por establecer unha alianza cos principais partidos políticos con representación municipal. Deste xeito, procurarase a súa colaboración para trasladar a todos os concellos galegos que aínda non forman parte da nosa entidade os obxectivos e actividades da asociación municipalista, en vista de sensibilizalos fronte ao relevante papel que poden ter os municipios no eido da cooperación ao desenvolvemento.

Por tanto, serán realizadas reunións a nivel provincial con representantes das tres forzas políticas maioritarias, para logo despois convocar, tamén a nivel provincial, a todas as administracións locais non socias co obxectivo de dar a coñecer o Fondo Galego e animalas a formar parte do mesmo.

Orzamento: 1.300€

Desprazamento reunións: 600,00 €

Elementos visibilización: 200,00 €

Petiscos: 500,00 €

✚ ACTIVIDADES RELACIONADAS CO OBXECTIVO 2: VISIBILIZAR E FOMENTAR OS PROCESOS DE TRANSPARENCIA DA ASOCIACIÓN

ACTIVIDADE 2.1: Elaboración de protocolos

Co obxectivo de gañar en transparencia, propónse a elaboración de protocolos que regulen aspectos do funcionamento interno da asociación. No 2022 traballarase o protocolo de configuración da Comisión Executiva, así como as directrices para a área



de cooperación internacional para o desenvolvemento. Ditos protocolos serán sometidos a debate e aprobación por parte da Asemblea Xeral, para posteriormente ser pendurados na páxina web.

Orzamento: incluído nos gastos de persoal e de asesoría xurídica.

ACTIVIDADES RELACIONADAS CO OBXECTIVO 3: FOMENTO DE ALIANZAS ESTRATÉXICAS

ACTIVIDADE 3.1: Fomento de alianzas estratéxicas

O Fondo Galego mantén unha relación de colaboración coa FEGAMP desde o ano 1998, que se materializou a través da sinatura de convenios entre as partes. O último con data do ano 2014. Por tanto, co obxectivo de procurar mellorar a sinerxía entre as partes, buscarase actualizar e renovar a alianza entre ambas asociacións municipalistas para favorecer a consecución dos obxectivos de ambas entidades.

Por outra parte, serán realizadas reunións con outras entidades claves no sistema galego de cooperación ao desenvolvemento, como a Xunta de Galicia, Coordinadora galega de ONGD e outras entidades.

Orzamento: 200,00 €

Desprazamento reunións: 200,00 €

ACTIVIDADE 3.2: Participación na Confederación de Fondos

O Fondo Galego de Cooperación e Solidariedade pasou a ocupar a Vicepresidencia da Confederación de Fondos a principios do 2020. A unión e traballo conxunto dos nove Fondos existentes a nivel estatal resulta crucial para a defensa da cooperación municipalista, nun momento de reforma da Lei de cooperación a nivel estatal que introducirá cambios importantes a nivel operativo. Así mesmo, desde a Confederación promóvense actividades conxuntas de interese para a cooperación municipalista.

Orzamento: 2.500,00 €

Cota 2022: 2.500,00 €

ACTIVIDADE 3.2: Conmemoración do 25 aniversario

No 2022 celébranse os 25 anos do xurdimento do Fondo Galego de Cooperación e Solidariedade, polo que está previsto celebrar un gran acto central, no que sexan partícipes e convidadas, todas as administracións locais socias da entidade, xunto coas ONGD, Xunta de Galicia, FEGAMP, partidos políticos, e demais actores de relevancia no sistema galego de cooperación.

Orzamento: 20.200,00 €

Materiais visibilización: 1.500,00 €

Catering: 5.000,00 €

Asistencia técnica son e imaxe: 3.000,00 €



Actuación música en directo: 3.000,00 €

Agasallos: 1.500,00 €

Condución do evento: 1.200,00 €

Vídeos conmemorativos: 5.000,00 €

2. PLAN DE SENSIBILIZACIÓN E COMUNICACIÓN

➤ **OBXECTIVO E ACTIVIDADES**

OBXECTIVO 4: FORMAR, INFORMAR E VISIBILIZAR SOBRE TEMAS DE SOLIDARIEDADE, DEREITOS HUMANOS E ODS ÁS ADMINISTRACIÓN S LOCAIS GALEGAS

✚ **ACTIVIDADES RELACIONADAS CO OBXECTIVO 4: FORMAR, INFORMAR E VISIBILIZAR SOBRE TEMAS DE SOLIDARIEDADE, DEREITOS HUMANOS E ODS ÁS ADMINISTRACIÓN S LOCAIS GALEGAS**

ACTIVIDADE 4.1: Apoio a Concellos para elaboración de Plans de Implementación dos ODS a nivel local

Na liña de afondar no apoio aos Concellos socios do Fondo Galego interesados en implementar as metas establecidas polos Obxectivos do Desenvolvemento Sostible fixados pola ONU no ano 2015, propónse continuar co apoio especializado e individualizado ata a 7 concellos para a elaboración do seu propio Plan de implementación. Para iso contarase coa contratación dunha consultora especializada con experiencia no sector. A consultora deberá facer un diagnóstico inicial, e a elaboración do propio plan, contando coa participación dos principais axentes identificados no concello en cada unha das áreas de traballo. Dita actividade será financiada pola Xunta de Galicia e pola Axencia Española de Cooperación Internacional ao Desenvolvemento.

Orzamento: 43.197,00 €

Contratación de consultora para elaboración dos Plans: 43.197,00 €

ACTIVIDADE 4.2: Curso online de formación

A crise do coronavirus viu a pór de manifesto a importancia das novas tecnoloxías para a comunicación e a formación. No ano 2020 foi creada unha plataforma online de formación que permite contar cun espazo virtual no que desenvolver cursos relacionados coa nosa área de traballo, neste caso a cooperación ao desenvolvemento. Así mesmo, os cursos a distancia están tendo moito éxito polas comodidades e



facilidades que permite, tanto como para o persoal docente como para o alumnado: aforro de tempo e custes, facilidade de emprego, flexibilidade do aprendizaxe, actualización dos contidos, etc.

Dado o éxito do primeiro curso online posto en marcha polo Fondo Galego na pasada anualidade, e dado que houbo moitas persoas interesadas que quedaron sen praza para poder realizalo, a proposta para este 2022 sería replicar os contidos do primeiro curso, sobre os Obxectivos do Desenvolvemento Sostible. Cóntase para iso con persoas expertas na materia que impartirán as diferentes sesións. O público obxectivo sería o persoal político e técnico das administracións locais galegas, alén do público xeral no caso de haber vacantes. Esta actividade será financiada pola Xunta de Galicia.

Orzamento: 3.440,00 €

Honorarios formadores/as: 3.000,00 €

Plataforma Moodle: 440,00 €

ACTIVIDADE 4.3: Axenda 2023

As axendas son un material de papelería case imprescindibles para o persoal técnico e político das administracións locais. Polo tanto, o Fondo Galego promoverá a elaboración dunha axenda propia, elaborada con materiais reciclados e na que se destaquen as datas relativas á solidariedade e Dereitos Humanos. A axenda versará sobre os Obxectivos do Desenvolvemento Sostible.

Orzamento: 3.000,00 €

Deseño e impresión das axendas: 3.000,00 €

ACTIVIDADE 4.4: Elaboración da Memoria anual

Ao peche do exercicio, realízase a edición dixital e impresa dun completo documento que recolle a actividade realizada durante o ano no relativo ao tecido asociativo, relacións institucionais, proxectos de cooperación, accións de sensibilización, comunicación, balance económico e axenda. A Memoria distribúese entre todas as entidades socias e demais axentes do sector, entre outros.

Orzamento: 700,00 €

Deseño e impresión de 300 exemplares: 611,05 €

Envío memorias: 88,95 €

ACTIVIDADE 4.5. Concurso de murais “Muros que unen V”

O concurso de murais levado a cabo nas anualidades anteriores na cidade da Coruña amosou bos resultados en canto á participación e aceptación por parte dos colectivos que promoven a arte urbana. Non cabe dúbida, ademais, de que a arte urbana é unha das ferramentas máis potentes para visibilizar determinadas situacións de inxustiza e para sensibilizar sobre as desigualdades. Polo que, co obxectivo de continuar con esta



innovación e sen perder a convicción da importancia das imaxes como ferramenta sensibilizadora, para o 2022 propónse unha continuación do concurso para representar nos muros da cidade outros 4 ODS. Esta actividade será financiada polo Concello da Coruña.

Orzamento: 20.022,79€

Preparación das áreas a pintar: 2.000,00 €

Premios: 6.000,00 €

Materiais para o pintado das obras: 1.200,00 €

Grúas, andamiaxe, casetas, baños químicos: 1.700,00 €

Deseño e impresión de materiais de difusión: 100,00 €

Desprazamentos, aloxamentos e manutención para xestión da actividade e pintado das obras: 1.408,48 €

Desprazamento e manutención para o xurado: 500,00 €

Custes indirectos: 2.000,00 €

Custo de persoal da técnica Carmen Novas Ferradás imputado á actividade: 6.416,44 €

ACTIVIDADE 4.6: III Foro da Cooperación Municipalista da Lusofonía

En novembro de 2019 tiña lugar o Foro da Cooperación Municipalista da Lusofonía polos ODS, que reuniu a representantes dos gobernos locais e rexionais de Mozambique, Cabo Verde, Guinea Bissau, Angola, Portugal, Santo Tomé e Príncipe e Galicia. Froito deste encontro emanaron dúas propostas: Realización do Foro anualmente, quedando fixada a cidade de Lisboa para o 2020 e elaboración dun memorando de entendemento a asinar entre as partes participantes. Debido á evolución da crise do COVID 19 a nivel internacional, o Foro de Lisboa quedou sen poder ser realizado. Para evitar parálises ou retrocesos no momento inicial de constitución da Rede, no 2021 o II Foro foi realizado de maneira semipresencial na cidade de Braga (Portugal). Para o ano 2022, Cabo Verde será o país acolledor do evento, contando como anfitrión coa Asociación Nacional de Municipios Caboverdianos. Terá lugar os días 7 e 8 de xullo na cidade de Mindelo. A actividade será financiada pola Xunta de Galicia e pola Axencia Española de Cooperación Internacional ao Desenvolvemento.

Orzamento: 27.854,00 €

Viaxes internacionais (Brasil, Portugal, Mozambique, Guinea Bissau, Príncipe, España) e voos internos: 19.620,00 €

Aloxamentos: 2.664,00 €

Manutención: 2.747,00 €

Elementos de visibilización e outros gastos: 2.823,00 €



ACTIVIDADE 4.7: Actividades con ONGD

Nesta anualidade terán lugar as actividades de sensibilización das ONGD Vicente Ferrer, Agareso, Amigos da Terra e Solidariedade Internacional. Ditas entidades son as que resultaron beneficiarias da convocatoria para proxectos de cooperación internacional ao desenvolvemento para ONGD galegas ou con sede en Galicia, e que establecía a obriga de deseñar unha actividade relativa ao proxecto para executar en concellos galegos. As actividades serán executadas nun total de 12 concellos.

Orzamento: 12.000,00 €

Actividade Agareso: 3.000,00 €

Actividade Amigos da Terra: 3.000,00 €

Actividade Solidariedade Internacional: 3.000,00 €

Actividade Vicente Ferrer: 3.000,00 €

ACTIVIDADES DENTRO DO PROXECTO PEOPLE AND PLANET

ACTIVIDADE 4.8: Accións de rúa

Comunicación de guerrilla: O espazo público adoita ser o escenario desta técnica comunicativa nada convencional, que subverte a linguaxe da publicidade para chamar a atención sobre determinadas problemáticas, podendo utilizar o mobiliario urbano ao seu favor. Transgresora, aínda que non necesariamente molesta e a miúdo divertida, a comunicación de guerrilla emprega o enxeño e a creatividade para acadar maior impacto e provocar a reflexión.

Performance: Actrices, músicos, bailarinas... irrompen nun lugar público para poñer en escena unha actuación inesperada coa que denunciar algunha inxustiza, resignificando ese espazo e provocando a reacción do público. Unha das formas de performance máis coñecidas son os flashmobs, nos que normalmente se interpreta unha coreografía ao son dunha canción, que mesmo pode gravarse e converterse en viral. Será benvida a participación dos grupos de música e danza dos municipios. Serán un total de 15 concellos beneficiarios no ano 2022. As actividades serán financiadas polo programa DEAR da Unión europea.

Orzamento: 64.350,00 €

Contratación de entidades para realizar as accións: 32.640,00 €

Materiais para producir as accións: 31.710,00 €

ACTIVIDADE 4.9: Cambio climático no prato

Coa teima de promover estilos de vida máis sustentables, realizaranse dez obradoiros de cociña nos que, aplicando un enfoque integral, se terá en conta o ciclo de vida dos alimentos, desde o lugar onde se produciron ata que son servidos na mesa. Con esta información, poderanse tomar decisións máis acertadas sobre a saúde das persoas e do



planeta. Asemade, empregaranse produtos de proximidade (km 0), promovendo así a reflexión sobre o consumo enerxético, a pegada hídrica ou a economía local. Poderán beneficiarse ata un máximo de 12 concellos. A actividade será financiada polo programa DEAR da Unión Europea.

Orzamento: 2.946,68 €

Contratación entidade/persoa para impartir as 10 sesións: 2.946,68 €

ACTIVIDADE 4.10: Exposición de realidade virtual

Para conectar o noso contexto coa realidade dos países do Sur e como lles afecta o cambio climático, crearase unha exposición de realidade virtual que xirará por diferentes municipios. As persoas que a visiten poderán vivir na súa pel situacións que lle axudarán a comprender a relación entre os nosos actos e o seu impacto no ámbito global, poñendo de relevo a necesidade introducir cambios na nosa vida cotiá. A actividade será financiada polo programa DEAR da Unión Europea.

Orzamento: 16.000,00 €

Contratación de entidade para deseño e elaboración da exposición:
16.000,00 €

ACTIVIDADE 4.11: Festival de murais

Baixo o lema 'People & Planet', organizaranse festivais de murais, coa participación de catro concellos que cederán os muros para a realización das obras (de entre 40 e 50 m²), preferentemente situados en lugares transitados da vila. A primeira edición do festival terá lugar no 2022 e participarán dous dos catro concellos que acollen esta actividade. A finalidade é sensibilizar sobre a sustentabilidade ambiental, ao tempo que se emprega a arte urbana, especialmente popular entre a mocidade, para fomentar o pensamento crítico e a participación cidadá na construción de cidades inclusivas. A actividade será financiada polo programa DEAR da Unión Europea.

Orzamento: 18.051,75 €

Preparación das áreas a pintar. Materiais: 18.051,75 €

ACTIVIDADE 4.12: Obradoiros de debuxo urbano

Dez concellos acollerán outros tantos obradoiros de debuxo urbano nos que mozas e mozos porán en práctica as técnicas do "urban sketching", un movemento creativo que se propón contar a realidade en primeira persoa a través do debuxo, celebrar a diversidade de miradas e compartilas cos demais. Un recurso expresivo que pon en valor a capacidade de observación destes reporteiros visuais en relación co tema 'People & Planet'. A actividade será financiada polo programa DEAR da Unión Europea.

Orzamento: 6.000,00 €



Contratación de entidade/ persoa experta para impartir os obradoiros:

6.000,00 €

ACTIVIDADE 4.13: Consello climático xuvenil

A implicación directa da mocidade nos problemas ambientais do concello e na súa resolución é chave neste proxecto, polo que en maio de 2021 catro municipios puxeron en marcha cadanseu consello integrado por mozas e mozos de entre 15 e 34 anos que asesorarán ao goberno local nesta materia. Persoal especializado encargárase de dinamizar as xuntanzas mensuais, propoñendo un tema de debate e recollendo ideas sobre estilos de vida sostibles. Representantes destes concellos participarán despois nun campamento de mocidade europea en Portugal para elaborar unha guía ao respecto. A actividade será financiada polo programa DEAR da Unión Europea.

Orzamento: 10.809,99 €

Contratación entidade experta para dinamizar o CCX: 10.809,99 €

ACTIVIDADE 4.14: Apagón ambiental

En liña con outras iniciativas que nos convidan a apagar as luces das casas para conmemorar algunha efeméride medioambiental, propónse que a Casa do Concello ou outro monumento emblemático do municipio quede sen iluminación, a unha hora concreta, coincidindo co Día Mundial do Medio Ambiente, o 5 de xuño. Preténdese así chamar a atención sobre a crise climática e a importancia de implicarse na defensa ecolóxica.

Orzamento: incluídos nos gastos de persoal.

ACTIVIDADE 4.15: #WaterOfTheFuture

A escaseza de auga é un problema global con consecuencias devastadoras, tanto na actualidade como para as vindeiras xeracións, de aí que se constituía no tema central desta campaña paneuropea, que pretende xerar conciencia e mudar hábitos co fin de protexer este recurso e garantir o acceso á auga limpa. A estratexia de comunicación incorpora accións como anuncios en televisión, vídeos en redes sociais ou unha páxina web para achegarlle a 58 millóns de persoas a mensaxe de que “sen auga, non hai futuro”. Por tanto, a misión do Fondo Galego con esta actividade é a de difundir o vídeo creado polo proxecto.

Orzamento: incluídos nos gastos de persoal.

ACTIVIDADE 4.16: #IAmTheChange

Cada unha e cada un de nós somos o cambio, de aí o hashtag escollido para este reto xuvenil no que a mocidade ten que subir a Youtube un vídeo de 1 minuto de duración expoñendo o seu compromiso co cambio cara unha sociedade máis xusta e sostible. O



vídeo máis visto ao remate do proxecto será premiado cun móbil de comercio xusto. Convidarase ás e aos participantes nas distintas actividades a gravar a súa mensaxe.

Orzamento: incluído nos gastos de persoal.

Orzamento de gastos xerais e de persoal do proxecto People anda Planet: 30.212,00€

Viaxe a Lisboa para reunión de parceiros: 500,00 €

Manutención estadía en Lisboa: 612,00 €

Desprazamentos supervisión actividades: 600,00 €

Materiais sostibles: 1.600,00 €

Gastos de persoal de Carmen Novas imputados ao proxecto: 6.900,00 €

Gastos de persoal de Andrea M. García imputados ao proxecto: 20.000,00 €

3. PLAN ÁREA DE PROXECTOS DE COOPERACIÓN AO DESENVOLVEMENTO

➤ OBXECTIVOS E ACTIVIDADES

OBXECTIVO 5: ELEVAR A COOPERACIÓN COS PAÍSES DO SUR AO EIXO CENTRAL DE ACTIVIDADE

✚ ACTIVIDADES RELACIONADAS CO OBXECTIVO 5: ELEVAR A COOPERACIÓN COS PAÍSES DO SUR AO EIXO CENTRAL DE ACTIVIDADE

ACTIVIDADE 5.1: Proxectos de cooperación directa

Dando continuidade ao impulso da cooperación directa realizada na pasada anualidade, propónse continuar apoiando directamente iniciativas de cooperación nos países do Sur, prioritariamente da man de municipios dos países empobrecidos ou as asociacións que as representan. A cooperación directa estará focalizada nos países de Mozambique e Guinea Bissau.

Orzamento: 35.000,00 €

Novos proxectos 2022: 20.000,00 €

Fundação Encontro: 15.000,00 €

ACTIVIDADE 5.2: Axuda Humanitaria ou de emerxencia

Resérvase unha partida para axuda humanitaria, fundamentalmente para paliar as consecuencias das crises derivadas de catástrofes naturais ou humanitarias.

Orzamento: 60.000,00 €

Ciclón Mozambique: 15.000,00 €

Poboación refuxiada saharauí: 45.000,00 €

ACTIVIDADE 5.3: Convocatoria de proxectos para ONGD

A próxima convocatoria para proxectos de cooperación da man das ONGD galegas será publicada no terceiro trimestre do ano, polo que durante toda a anualidade se levarán a cabo tarefas de xestión e coordinación xunto coa Coordinadora Galega de ONGD.

A convocatoria estará dotada dun máximo de 100.000€ que serán imputados no orzamento da anualidade 2023. No entanto, faise unha pequena reserva para sufragar os gastos da mesma.

Orzamento: 8.796,81 €

Reserva de orzamento: 8.796,81 €



ACTIVIDADE 5.4: Especialistas en Cooperar

Retómase nesta anualidade o programa de cooperación técnico, con cambio significativos e importantes tanto na súa conceptualización como no propio nome da actividade.

A través deste programa 4 persoas que sexan persoal técnico de concellos ou deputacións socias do Fondo Galego terán a oportunidade de desenvolver unha tarefa técnica nalgún dos proxectos de cooperación que apoia o Fondo Galego. As viaxes terán lugar nesta anualidade. A actividade será financiada pola Axencia española de Cooperación Internacional ao Desenvolvemento.

Orzamento: 11.900,00 €

Viaxes 4 persoas a Mozambique: 6.000,00 €

Aloxamento 4 persoas durante 1 mes en Mozambique: 3.600,00 €

Manutención 4 persoas en Mozambique durante 1 mes: 1.600,00 €

Deseño cartel, folleto e bñanes promocionais: 200,00 €

Desprazamento para reunión de formación e avaliación: 500,00 €

ACTIVIDADE 5.5: Misións aos proxectos de cooperación

Serán realizadas dúas visitas a proxectos de cooperación en marcha ou recentemente rematados en Mozambique e Guinea Bissau. Alén de facer seguimento e avaliación técnica dos proxectos, farase fincapé no fortalecemento da relación institucional cos parceiros locais. Asemade, terá lugar unha visita aos campamentos das persoas refuxiadas saharauís en Alxeria para dar inicio ás relacións de cooperación. Participarán nesta visita representantes políticos do Fondo Galego xunto co persoal técnico da asociación.

Orzamento: 13.000,00 €

Viaxe, aloxamento e manutención para 4 persoas en Mozambique: 7.000,00 €

Viaxe, aloxamento e manutención para 4 persoas en Guinea Bissau: 4.000,00 €

Misión aos campamentos de persoas refuxiadas saharauís (2 persoas): 2.000,00 €